

欽定重修兩浙鹽法志

欽定重修兩浙鹽法志卷一

疆域

國家統臨寰宇一視同仁無分土亦無分民惟行鹽則境地區別不得踰越私售蓋私靖而後商通商通而後民便此畫疆分界所以厚民生而爲之制也浙鹽之行被四省或銷浙東引或銷浙西引則行鹽經界判其封域矣浙鹽之產連八郡或歸杭紹所掣或歸嘉松所掣則產鹽經界析其條理矣若夫轉運有程途設巡有關隘一切禁防之嚴密

稽察之周詳凡以遏弊竇而溥利源者粲然具舉  
舊志首列疆域一門臚載行鹽產鹽之地旁及星  
野山川古蹟而引鹽抵所運售各道里暨盤驗巡  
緝各事宜率多闕而未備爰補綴於後用資考鏡  
且俾司事者加意焉至星野之於鹽地遼廓難憑  
而山川古蹟已附見圖說中茲概從略志疆域

行鹽地方

兩浙在唐宋時東南末鹽皆兼淮而言曰江淮鹽  
自元至元中立都轉運鹽司於浙江而淮浙各有

## 分土

國朝因之鹽筴之行自兩淮外無廣於浙者東迤海  
北距揚子江西盡歙信之域南暨甌閩之交所食  
皆浙鹽也其界三面鄰淮一面接閩以省計者四  
曰浙江曰江蘇曰安徽曰江西以郡計者十七其  
隸浙江者十一曰杭州曰嘉興曰湖州曰寧波曰  
紹興曰台州曰金華曰衢州曰嚴州曰溫州曰處  
州隸江蘇者四曰蘇州曰松江曰常州曰鎮江隸  
安徽者一曰徽州隸江西者一曰廣信以州計者

二曰太倉隸江蘇曰廣德隸安徽

浙江省行鹽各地

杭州府爲浙江省城置兩浙都轉鹽運使司舊志  
領縣九乾隆三十八年陞海鹽縣爲州今領州  
一領縣八附郭之縣二曰仁和曰錢塘府東之  
州一曰海鹽府西之縣二曰富陽曰昌化府西  
南之縣一曰新城府西北之縣三曰餘杭曰臨  
安曰於潛浙西地兼行浙東西引鹽內惟仁和  
錢塘海鹽餘杭四州縣行銷票引餘俱行正引

其昌化縣北七十五里至安徽之寧國府界接

淮鹽境

嘉興府距運司二百十里領縣七附郭之縣二曰嘉興曰秀水府東之縣二曰嘉善曰平湖府西之縣一曰桐鄉府東南之縣一曰海鹽府西南之縣一曰石門浙西地行浙西票引內嘉秀善桐四縣兼銷正引

湖州府距運司一百八十里舊志領州一縣六乾隆三十八年改安吉州爲縣今領縣七附郭之

縣二曰烏程曰歸安府西之縣一曰長興府南之縣一曰德清府西南之縣二曰武康曰孝豐府西北之縣一曰安吉浙西地行浙西引鹽其安吉之西南一百二十里至安徽寧國府界接淮鹽境

寧波府距運司四百四十三里領縣六附郭之縣一曰鄞府西北之縣一曰慈谿府西南之縣一曰奉化府東南之縣一曰象山府東北之縣二曰鎮海曰定海浙東地行浙東票引惟定海地

居海外難以行運照江蘇崇明縣例計丁派引止徵包課

紹興府距運司一百四十三里領縣八附郭之縣二曰山陰曰會稽府東之縣一曰上虞府西北之縣一曰蕭山府西南之縣一曰諸暨府東北之縣一曰餘姚府東南之縣二曰新昌曰嵊浙東地內惟諸暨一縣行浙東正引餘七縣俱銷票引

台州府距運司八百六十三里領縣六附郭之縣



一曰臨海府南之縣二曰黃巖曰太平府西之縣一曰仙居府東北之縣一曰寧海府西北之縣一曰天台浙東地行浙東引鹽

金華府距運司五百三十里領縣八附郭之縣一曰金華府東之縣一曰東陽府西之縣一曰蘭谿府南之縣一曰武義府東南之縣一曰永康府東北之縣二曰義烏曰浦江府西南之縣一曰湯溪浙東地兼行浙東西引鹽

衢州府距運司五百九十五里領縣五附郭之縣

一曰西安府東之縣一曰龍游府西之縣一曰  
常山府西南之縣一曰江山府西北之縣一曰  
開化浙東地兼行浙東西引鹽其江山之南一  
百二十里至福建之浦城縣界接閩鹽境

嚴州府距運司三百十五里領縣六附郭之縣一  
曰建德府東之縣一曰桐廬府西之縣二曰淳  
安曰遂安府西南之縣一曰壽昌府東北之縣  
一曰分水浙東地兼行浙東西引鹽

溫州府距運司一千二百六十里領縣五附郭之

縣一曰永嘉府東北之縣一曰樂清府西南之  
縣二曰瑞安曰平陽府西北之縣一曰泰順浙  
東地行浙東引鹽其平陽之西南一百一十里  
至福建之福鼎縣界泰順之南三里至壽寧縣  
界俱接閩鹽境

處州府距運司一千九十八里領縣十附郭之縣  
一曰麗水府東之縣一曰青田府西之縣二曰  
松陽曰遂昌府南之縣二曰慶元曰景寧府北  
之縣一曰縉雲府西南之縣二曰雲和曰龍泉

府西北之縣一曰宣平浙東地行浙東引鹽其  
龍泉之西南一百六十里至福建之浦城縣界  
慶元之西三十里至松溪縣界南五十里至政  
和縣界俱接閩鹽境

〔江蘇省行鹽各地〕

蘇州府距運司三百七十五里領縣九附郭之縣  
三曰吳曰長洲曰元和府東之縣二曰崑山曰  
新陽府北之縣二曰常熟曰昭文府東南之縣  
二曰吳江曰震澤地近嘉所者掣銷杭嘉二所

金匱縣志卷之六  
引鹽凡五縣地近松所者掣銷松所引鹽凡四縣

松江府距運司三百六十里舊志領縣八乾隆八年并福泉縣于青浦今領縣七附郭之縣二曰華亭曰婁府南之縣一曰金山府東南之縣一曰奉賢府東北之縣二曰上海曰南匯府西北之縣一曰青浦向掣浙西票鹽自建松所後掣本所引鹽

常州府距運司五百五十五里領縣八附郭之縣

二曰武進曰陽湖府南之縣二曰宜興曰荆溪  
府東之縣一曰江陰府東南之縣二曰無錫曰  
金匱府東北之縣一曰靖江靖江北三十里至  
泰興縣界接淮鹽境向照崇明例計丁包課雍  
正十一年題豁撥商認運崇明岱山兩處帑鹽  
銷售餘七縣俱掣銷杭嘉二所引鹽

鎮江府距運司七百一十五里舊志領縣三乾隆  
年間以江寧府之溧陽改隸鎮江今領縣四附  
郭之縣一曰丹徒府東之縣一曰丹陽府南之

縣一曰溧陽府東南之縣一曰金壇俱掣銷杭  
嘉二所引鹽丹徒之北二十里至江都縣界接  
淮鹽境

太倉州距運司四百七十二里領縣四附郭之縣  
一曰鎮洋州南之縣二曰嘉定曰寶山州東北  
之縣一曰崇明崇明在大海中向不行引康熙  
十八年題定計丁派引照浙東溫所課則徵納  
包課本州及餘三縣俱掣銷松所引鹽

安徽省行鹽各地

徽州府距運司六百十里領縣六附郭之縣一曰  
歙府西之縣二曰休寧曰祁門府東北之縣一  
曰績溪府西南之縣一曰婺源府西北之縣一  
曰黟掣銷杭紹二所引鹽休寧之北一百里至  
寧國府之太平縣界婺源之西一百里至江西  
之饒州府界南四十里至南昌府界祁門之南  
九十里至浮梁縣界北五十里至池州府之石  
埭縣界黟之西北五十里至太平縣界績溪之  
北三十里至寧國縣界俱接淮鹽境



廣德州距運司二百六十里領縣一州西之縣曰  
建平掣銷杭嘉二所引鹽州西一百里至寧國  
縣界北四十里至江蘇之高淳縣界俱接淮鹽  
境

江西省行鹽各地

廣信府距運司九百三十里領縣七附郭之縣一  
曰上饒府東之縣一曰玉山府西之縣一曰弋  
陽府東南之縣一曰廣豐府西北之縣一曰貴  
溪府西南之縣一曰興安曰鉛山俱分銷常山

縣引鹽其貴溪之西四十里至饒州府界接淮  
鹽境又南一百一十里至福建之光澤縣界鉛  
山之西南八十里至福建之建寧縣界俱接閩  
鹽境

產鹽地方

煮海爲鹽利因乎地浙東西并蘇松瀕海諸郡縣  
皆斥鹵產鹽舊設三十五場後遞裁爲二十三場  
國朝雍正七年復設三場曰下砂二場曰杜瀆曰永  
嘉裁一場曰浦東爲二十五場乾隆五年復設三

場曰浦東曰龍頭曰玉泉又復設下砂三場并爲  
下砂二三場又析西路曰黃灣析三江曰東江析  
曹娥曰金山添設一場曰崇明爲三十二場其轄  
於寧紹分司者二十在杭州曰仁和曰許村在紹  
興曰錢清曰三江曰東江曰曹娥曰金山曰石堰  
在寧波曰鳴鶴曰清泉曰龍頭曰穿長曰大嵩曰  
玉泉在台州曰長亭曰黃巖曰杜瀆在溫州曰長  
林曰雙穗曰永嘉其轄於嘉松分司者十二在杭  
州曰西路曰黃灣在嘉興曰鮑郎曰海沙曰蘆瀝

在松江曰橫浦曰浦東曰袁浦曰青村曰下砂曰  
下砂二三在太倉曰崇明其溫郡南監一場乾隆  
二十八年復設不立場員令浦門巡檢兼管又寧  
郡之舟山溫郡之玉環並在海外所產鹽斤責成  
地方官發帑收買不在三十二場之內

〔寧紹分司所轄產鹽各地〕

仁和場在省城清泰門外仁和縣會保五畝觀音  
堂地方距運司七里所轄場地東至海寧州許  
村場界西至富陽縣界南至錢塘江北連仁和

錢塘二縣民地界計延袤一百四十里

許村場在海寧州西安化坊地方距運司九十里  
所轄場地東至陳墳港接西路場界西至翁家  
埠接仁和場界南至海北至海寧州大石塘界  
計延袤七十五里

錢清場在蕭山縣鳳儀二十四都錢清鎮地方距  
運司七十里所轄場地東至山陰縣夾棚接三  
江場界西至蕭山縣半爿山界南至山陰縣柯  
鎮分界北至海寧州公地分界計延袤一百二

十里

三江場在山陰縣五都三圖陡疊老閘地方距運司一百四十里所轄場地東至東江場孫家團界西至錢清場任家橋界南至山陰縣鹿山界北至海計延袤二十里

東江場在會稽縣四都一圖姚家埭地方距運司一百六十里所轄場地東至曹娥場界西至三江場界南至山會二縣民地分界北至山會二縣沿海攤場分界計延袤三十五里

曹娥場在會稽縣曹娥鎮西扇地方距運司二百五十里所轄場地東至金山場界西至東江場界南至會稽縣民地分界北至曹江與金山場分界計延袤八十里

金山場在上虞縣十都百官鎮地方距運司二百五十里所轄場地東至石堰場界西至西匯嘴界南至曹娥場界北至海計延袤四十五里

石堰場在餘姚縣東北龍泉鄉一都二堡地方距運司三百七十里所轄場地東至鳴鶴場杜家

園界西至上虞縣金山場界南至餘姚縣界北至海計延袤一百一十里

鳴鶴場在慈谿縣西北六十里市鎮地方距運司四百一十里所轄場地東至鎮海縣龍頭場界西至餘姚縣石堰場界南至車廐驛分界北至觀海衛分界計延袤七十里

清泉場在鎮海縣北一十里崇邱一都一圖地方距運司五百二十里所轄場地東至小港口接穿長場界西至楊木堰接鄞縣界南至象鼻山



界北至龍頭場界計延袤三十五里

龍頭場在鎮海縣靈緒鄉地方距運司四百八十里所轄場地東至清泉場界西至鳴鶴場界南至慈谿縣達蓬山界北至海計延袤四十里

穿長場在鎮海縣東南海宴二都羅山大磧頭地方距運司五百九十六里所轄場地東至鄞霍接定海縣界西至鄞縣育王嶺接清泉場界南至沿海沙塗接象山縣界北至海接定海縣界計延袤一百里

大嵩場在鄞縣十一都三圖大嵩城地方距運司  
六百六十里所轄場地東至鎮海縣慈澳分界  
西至奉化縣道陳嶺大澳分界南至象山縣海  
洋分界北至定海縣分界計延袤六十里

玉泉場在象山縣東王家橋地方距運司七百八  
十里所轄場地東至爵溪千戶所接大嵩場界  
西至寧海縣界南至昌國衛界北至湖頭渡界  
計延袤一百五十里

長亭場在寧海縣東一百三十里長亭地方距運

司九百三十里所轄場地東至象山縣西溪嶺  
頭界西至臨海縣界南至下洋塗海港分界北  
至奉化縣柵櫨嶺頭分界計延袤四十里

黃巖場在太平縣十都南監莊地方距運司一千  
二百九十里所轄場地東至黃巖太平兩縣大  
海界西至太平縣界南至松門衛太平縣界北  
至海門衛臨海縣界計延袤一百四十里

杜瀆場在臨海縣西南保南鄉塗下橋地方距運  
司一千一百七十里所轄場地東至海西至分

水嶺界南至海門衛界北至黃泥山界計延袤八十五里

長林場在樂清縣南六都地方距運司一千三百九十六里所轄場地東至海西至館頭驛永嘉縣界南至海北至舊北監場黃巖縣界計延袤八十五里

雙穗場在瑞安縣崇泰鄉五都長橋地方距運司一千四百九十六里所轄場地東至永嘉場梅頭分界西至海安千戶所分界南至平陽縣陡

鹽分界北至永嘉縣界計延袤八十里

永嘉場在永嘉縣北二都永興堡地方距運司一千四百六十六里所轄場地東至海西至茅竹嶺界南至中界山巡檢司接瑞安縣梅嶺頭界北至寧村千戶所馬道江接樂清縣藍田界計延袤三十里

嘉松分司所轄產鹽各地

西路場在海寧州東六十里塘石西堰地方距運司一百五十里所轄場地東至掇轉廟接黃灣

場界西至陳墳路接許村場界南至海北至海  
寧州水塘界計延袤一十五里

黃灣場在海寧州東二十七都十四莊舊倉地方  
距運司一百六十里所轄場地東至譚仙嶺界  
西至西路場界南至海北至運河水塘界計延  
袤二十五里

鮑郎場在海鹽縣南澉浦西門外地方距運司一  
百九十六里所轄場地東至海沙場界西至譚  
仙嶺界南至海北至運河水塘界計延袤二十

里

海沙場在海鹽縣東十六都沙腰村地方距運司  
一百五十里所轄場地東至蘆瀝場界西至鮑  
郎場界南至海北至海鹽縣民地界計延袤六  
十五里

蘆瀝場在平湖縣東全公亭鎮地方距運司三百  
三十五里所轄場地東至金山縣界牌接橫浦  
場界西至乍浦鎮接海鹽縣界南至海塘北至  
新倉鎮界計延袤五十里

橫浦場在松江婁縣西二十七圖西倉鎮地方距  
運司三百四十四里所轄場地東至青龍港接  
浦東場界西至平湖縣接蘆漚場界南至海北  
至張涇堰接金山縣界計延袤九里

浦東場在金山縣北北倉鎮地方距運司三百五  
十里所轄場地東至漕涇鎮接袁浦場界西至  
青龍港接橫浦場界南至海北至張涇鎮界計  
延袤一十八里

袁浦場在華亭縣東北柘林鎮地方距運司三百



九十里所轄場地東至青村場夏家路園分界  
西至浦東場三岔墩分界南至海塘北至奉賢  
縣界計延袤二十四里

青村場在泰賢縣南青村港地方距運司四百三  
十里所轄場地東至下砂場界西至高橋鎮界  
南至袁浦場界北至下砂場界計延袤八十五  
里

下砂頭場在南匯縣南二墩地方距運司四百五  
十五里所轄場地東至海西至南匯縣民田界

南至青村場界北至下砂二三場五團界計延表一百里

下砂二三場在南匯縣北川沙堡十一墩地方距運司五百里所轄場地東至海西至黃浦界南至四團頭場界北至寶山縣界計延表一十二里

崇明場在崇明縣東花洪汛地方距運司七百五十里所轄場地東至大洋西至海接海門廳界南至海接寶山縣界北至海接通州呂四場界

計延袤八十里

運鹽程途

產鹽有地運鹽有程有由場到所之程途有由所到縣之程途凡商鹽出場赴掣其經由路徑務遵應行運道不得舍遠走近掣後運賣各地其經由路徑各定遠近時日不得遲延違限至各縣肩引止許於本縣城鄉市鎮肩挑貨賣毋許越境惟溫台二所距省遼遠兼之水路則綫溪小港陸路則重岡複嶺其赴掣難限運到日期而紹所由海運

過三塘九壩杭所運浙東者路過江壩運浙西者  
路過官河等壩解包起駁不能直達賣地故有運  
道不甚遠而例限較他處特寬者

運鹽到所

謹按元史大德三年設杭州嘉興紹興溫台等  
處檢校四所司令司丞各員專驗鹽帑至正二  
年改爲檢校批驗所

國朝康熙間定爲批驗所

杭州批驗所在府治東北艮山門內距運司五里

該所專掣仁和許村二場引鹽

仁和場引鹽赴掣銀跳觀倉由百腳港過會元  
壩盤卸下河進艮山水門抵所凡一十五里三  
團倉由喬司鎮水次過打鐵關進艮山水門抵  
所凡三十里范翁等倉由臨平大河過東新關  
進艮山水門抵所凡四十里其仁錢肩販各由  
銀跳觀三圍團范翁等竈舍支鹽上由徐家埠  
觀音堂馬路口下由烏龍廟進清泰望江二門  
於仁錢互地行銷餘杭肩販專由銀跳觀團竈

支鹽進清泰門出武林門由觀音關過嚴衢塘直抵餘杭不許繞道越走

許村場引鹽赴掣自州至郡一帶俱屬運鹽官河其運鹽支港天字堡由許村港運出官河元字堡由楊家渡港運出官河黃字堡由萬家渡運出官河地字堡由萬家渡汪店港運出官河字字堡由汪店港雙簡渡運出官河宙字堡自南門迤西至北門外平安橋官河并大船各倉捆運引鹽均從備塘河由支港運出官河直達

省城抵所凡一百一十里其海寧石門二州縣  
肩引自場支鹽挑往臨平許村長安斜橋郭店  
路仲袁花石門等處銷賣兼配仁邑肩鹽

紹興批驗所在府治西北六十里山陰縣白鷺塘  
地方距運司六十五里該所專掣錢清三江東  
江曹娥金山石堰鳴鶴清泉龍頭穿長大嵩玉  
泉一十二場引鹽

錢清場引鹽赴掣由新開河西小港抵所凡六  
十里該場境接蕭山山陰二縣其肩販各按圖

竈支鹽循照舊例各在本境挑銷毋許侵越

三江場引鹽赴掣由三江陡臺至富陵橋經雙廟河及東浦梅墅柯橋至錢清出西小港過漁臨關進貓兒口抵所凡一百六十里

東江場引鹽赴掣由陸山橋過梅山港經柯橋鎮從錢清出西小港經漁臨關進貓兒口抵所凡一百八十里

曹娥場引鹽赴掣由曹娥江西岸各就近出場經錢清達新開河抵所凡二百四十里



金山場引鹽赴掣由曹娥江經錢清達新開河  
抵所凡二百五十里

石堰場引鹽赴掣由橫河中下等壩經餘姚縣  
渡曹娥江抵所凡三百里

鳴鶴場引鹽赴掣由橫河堰經梁湖壩渡曹娥  
江從東關河抵所凡三百八十里

清泉場引鹽赴掣由三港口經餘姚江過通明  
壩從百官渡曹娥江抵所凡三百五十里

龍頭場引鹽赴掣東從貴勝堰經慈谿縣出場

西從宣家堰經鳴鶴場出場俱由餘姚至上虞  
過曹娥江抵所凡三百二十里

穿長場引鹽赴掣由穿山三江二浦經蛟門海  
道進鎮海關至寧郡內江從餘姚上虞過梁湖  
壩渡曹娥江換船經會稽山陰抵所凡四百六  
十里

大嵩場引鹽赴掣由海運經大洋轉入鎮海關  
抵所凡六百里

玉泉場引鹽赴掣由海運走大洋過鋸門轉蛟

門進鎮海關至三江口換船經梁湖曹娥錢清等處抵所凡一千二百里

台州所距運司五百七十里不設批驗大使商鹽例委台府掣放專掣長亭黃巖杜瀆三場引鹽長亭場引鹽赴掣由白嶠埠經海港抵所凡三百一十里所產之鹽專銷寧海如有餘鹽由海運抵紹所配銷

黃巖場引鹽赴掣由金清抵所凡一百一十里所產之鹽行銷黃太二邑如有餘鹽由金清汛

海運至乍浦抵嘉所配銷

杜濱場引鹽赴掣由蔡橋總厥水路抵所凡一百五十里所產之鹽行銷臨海天台仙居東陽永康武義縉雲七邑再有餘鹽由海運抵嘉所配銷

溫州所距運司八百九十里不設批驗大使例因海運風濤多阻不拘季分委府經歷隨到隨掣該所專掣長林雙穗永嘉三場引鹽

長林場引鹽赴掣由甌江抵所凡九十里所產

之鹽行銷樂清永嘉麗水宣平等邑如有餘鹽  
由海運至乍浦抵嘉所配銷

雙穗場引鹽赴掣其天地人東四厥由瑞安外  
塘河其信厥由平陽外三鋪河俱經永嘉場抵  
所凡七十里

永嘉場引鹽赴掣由內河至龍灣過壩抵所凡  
五十里所產之鹽行銷溫處兩郡再有餘鹽由  
海運至嘉台二所配銷

嘉興批驗所在府治南春波門外五里卽宋玉霄

萬壽宮遺址距運司二百五十里該所專掣西路黃灣鮑郎海沙蘆瀝五場引鹽

西路場引鹽赴掣由東方國泰等橋經呂家過海鹽榆城達官塘轉入鴛鴦湖進萬里堰橋抵所凡一百里

黃灣場引鹽赴掣由太岳橋過條三灣經海鹽榆城達官塘抵所凡一百里

鮑郎場引鹽赴掣有二道團在南者由角里堰過壩經通園港黃道河至榆城團在北者由孫

家堰過長川壩經黃油車海鹽塘至榆城抵所  
凡一百五里

海沙場引鹽赴掣由運河經白苧轉塘等橋抵  
所凡一百一十里其海鹽縣肩販必由東南兩  
門入城平湖縣肩販必由包家埭至惹山徑上  
船擺渡

蘆漚場引鹽赴掣由運河至徐家埭抵所凡一  
百十五里其肩販在場支鹽挑銷平治新倉新  
埭徐家埭林家埭韓家廟周家圩等鄉鎮必由

新倉鎮總匯之區

松江批驗所在府治西南二里婁縣地方距運司  
三百五十八里該所專掣橫浦浦東袁浦青村  
下砂五場引鹽

橫浦場引鹽赴掣由運鹽河過張堰松隱兩鎮  
抵所凡七十二里

浦東場引鹽赴掣由廐房水次過金山衛北關  
城壕轉入運鹽河經六里庵張堰兩汛出張涇  
口過松隱汛抵所凡八十里



袁浦場引鹽赴掣由南橋河出口從莊行葉謝鎮北出黃浦大江抵所凡七十五里

青村場引鹽赴掣由二三橋梁店達運鹽河青村港過望涇出黃浦抵所凡一百里

下砂頭場引鹽赴掣由一竈港經奉賢縣蔡家橋轉入青村港過南橋出黃浦抵所凡一百一十五里

下砂二三場是場近不產鹵亦不煎鹽距松所一百二十里

運鹽到住賣各地

杭所場鹽由艮山水門入泊太平橋候掣掣畢停泊德勝豬圈二壩候程開運運往浙東者過豬圈壩進武林水門由中河出鳳山水門至江干開口過江壩運往浙西者過德勝壩由官河出北新關行銷各州縣地方

臨安縣引鹽自所運至住地八十里

於潛縣引鹽自所運至住地一百七十里

新城縣引鹽自所運至住地二百四十里

昌化縣引鹽自所運至住地二百里

烏程縣引鹽自所運至住地一百八十里

歸安縣引鹽自所運至住地一百八十里

長興縣引鹽自所運至住地二百四十里

安吉縣引鹽自所運至住地二百里

孝豐縣引鹽自所運至住地二百里

德清縣引鹽自所運至住地八十里

武康縣引鹽自所運至住地一百二十里

蘭谿縣引鹽自所運至住地四百一十五里

湯溪縣引鹽自所運至住地四百里

西安縣引鹽自所運至住地五百九十五里

龍游縣引鹽自所運至住地四百九十里

江山縣引鹽自所運至住地六百二十里

常山縣引鹽自所運至住地六百五十里

開化縣引鹽自所運至住地七百一十里

建德縣引鹽自所運至住地三百一十五里

淳安縣引鹽自所運至住地四百三十里

桐廬縣引鹽自所運至住地一百七十里

遂安縣引鹽自所運至住地四百五十里

分水縣引鹽自所運至住地三百九十里

吳縣引鹽自所運至住地三百七十五里

長洲縣引鹽自所運至住地三百七十五里

元和縣引鹽自所運至住地三百七十五里

武進縣引鹽自所運至住地五百五十五里

陽湖縣引鹽自所運至住地五百五十五里

無錫縣引鹽自所運至住地四百六十五里

金匱縣引鹽自所運至住地四百六十五里

宜興縣引鹽自所運至住地六百七十里  
荆溪縣引鹽自所運至住地六百七十里  
丹徒縣引鹽自所運至住地七百一十五里  
丹陽縣引鹽自所運至住地六百四十五里  
金壇縣引鹽自所運至住地七百五十里  
溧陽縣引鹽自所運至住地七百三十里  
歙縣引鹽自所運至住地六百一十里  
休寧縣引鹽自所運至住地六百八十里  
黟縣引鹽自所運至住地七百三十里

婺源縣引鹽由休寧分銷自休寧運至住地一百八十里

祁門縣引鹽由黟縣分銷自黟縣運至住地六十里

績溪縣引鹽由歙縣分銷自歙縣運至住地六十里

廣德州引鹽自所運至住地二百六十里  
建平縣引鹽自所運至住地三百五十里  
上饒縣引鹽由常山分銷自常山運至住地一

百八十里

玉山縣引鹽由常山分銷自常山運至住地八  
十里

弋陽縣引鹽由常山分銷自常山運至住地三  
百里

貴溪縣引鹽由常山分銷自常山運至住地三  
百七十里

鉛山縣引鹽由常山分銷自常山運至住地二  
百九十里



廣豐縣引鹽由常山分銷自常山運至住地一

百四十里

興安縣引鹽由常山分銷自常山運至住地二百六十五里

紹所商鹽由錢清江達官河或經長山閘抵所候掣掣畢停泊義橋新壩地方候程開運行銷各州縣地方

諸暨縣引鹽自所運至住地一百六十里  
餘姚縣引鹽自所運至住地一百八十里

嵯縣引鹽自所運至住地一百八十里

新昌縣引鹽由嵯縣分銷自嵯縣運至住地四十里

富陽縣引鹽自所運至住地一百二十里

於潛縣引鹽自所運至住地三百五十里

新城縣引鹽自所運至住地一百九十里

昌化縣引鹽自所運至住地三百八十里

奉化縣引鹽自所運至住地八十里

義烏縣引鹽自所運至住地五百四十里

浦江縣引鹽自所運至住地二百六十里

金華縣引鹽自所運至住地四百七十五里

蘭谿縣引鹽自所運至住地三百九十里

湯溪縣引鹽自所運至住地三百九十里

西安縣引鹽自所運至住地五百九十里

龍游縣引鹽自所運至住地四百五十里

江山縣引鹽自所運至住地六百五十五里

常山縣引鹽自所運至住地七百三十里

開化縣引鹽自所運至住地七百九十里

建德縣引鹽自所運至住地三百三十里

淳安縣引鹽自所運至住地四百八十里

桐廬縣引鹽自所運至住地二百二十里

遂安縣引鹽自所運至住地五百里

分水縣引鹽自所運至住地三百二十里

壽昌縣引鹽自所運至住地三百二十里

歙縣引鹽自所運至住地六百里

休寧縣引鹽自所運至住地六百七十里

黟縣引鹽自所運至住地七百二十里

婺源縣引鹽同杭所

祁門縣引鹽同杭所

績溪縣引鹽同杭所

上饒縣引鹽同杭所

玉山縣引鹽同杭所

弋陽縣引鹽同杭所

貴溪縣引鹽同杭所

鉛山縣引鹽同杭所

廣豐縣引鹽同杭所

興安縣引鹽同杭所

台所商鹽到所候掣掣畢領程開運行銷各州縣  
地方

臨海縣引鹽自所運至住地附郭不計里

黃巖縣引鹽自所運至住地六十里

天台縣引鹽自所運至住地九十里

仙居縣引鹽自所運至住地九十里

寧海縣引鹽自所運至住地一百八十里

太平縣引鹽自所運至住地一百四十里

東陽縣引鹽自所運至住地二百二十里

永康縣引鹽自所運至住地二百里

武義縣引鹽自所運至住地一百七十五里

溫所商鹽到所候掣掣畢領程開運行銷各州縣  
地方

永嘉縣引鹽自所運至住地附郭不計里

瑞安縣引鹽自所運至住地八十里

樂清縣引鹽自所運至住地八十里

平陽縣引鹽自所運至住地一百三十里

泰順縣引鹽自所運至住地三百七十里  
麗水縣引鹽自所運至住地二百七十里  
青田縣引鹽自所運至住地一百二十里  
縉雲縣引鹽自所運至住地三百六十里  
松陽縣引鹽自所運至住地三百九十里  
遂昌縣引鹽自所運至住地四百五十里  
龍泉縣引鹽自所運至住地五百一十里  
慶元縣引鹽由龍泉分銷自龍泉運至住地一  
百八十里



雲和縣引鹽自所運至住地三百八十里  
宣平縣引鹽自所運至住地三百九十里  
景寧縣引鹽自所運至住地四百一十里  
嘉所商鹽由運鹽河泊運河橋下候掣掣畢停泊  
大奚家橋外或合歡聚奎橋等處候程開運行  
銷各州縣地方

嘉興縣引鹽自所運至住地一十五里  
秀水縣引鹽自所運至住地一十五里  
嘉善縣引鹽自所運至住地一百二十里

桐鄉縣引鹽自所運至住地九十里

烏程縣引鹽自所運至住地二百里

歸安縣引鹽自所運至住地二百里

長興縣引鹽自所運至住地二百七十里

安吉縣引鹽自所運至住地三百里

孝豐縣引鹽自所運至住地三百六十里

吳縣引鹽自所運至住地一百六十五里

長洲縣引鹽自所運至住地一百六十五里

元和縣引鹽自所運至住地一百六十五里

吳江縣引鹽自所運至住地一百二十里

震澤縣引鹽自所運至住地一百二十里

武進縣引鹽自所運至住地三百四十五里

陽湖縣引鹽自所運至住地三百四十五里

無錫縣引鹽自所運至住地二百五十五里

金匱縣引鹽自所運至住地二百五十五里

江陰縣引鹽自所運至住地五百里

宜興縣引鹽自所運至住地五百里

荆溪縣引鹽自所運至住地五百里

丹徒縣引鹽自所運至住地五百五里

丹陽縣引鹽自所運至住地四百三十五里

金壇縣引鹽自所運至住地五百七十里

溧陽縣引鹽自所運至住地五百五十里

廣德州引鹽自所運至住地三百五十里

建平縣引鹽自所運至住地四百四十里

松所商鹽向由黃浦江入東汊港至所今因東汊

港淤塞改進西浦口經舊壩河運抵新改掣廳

前候掣掣畢領程開運行銷各州縣地方

華亭縣引鹽自所運至住地附郭不計里

奉賢縣引鹽自所運至住地九十里

婁縣引鹽自所運至住地附郭不計里

金山縣引鹽自所運至住地七十里

上海縣引鹽自所運至住地九十里

南匯縣引鹽自所運至住地一百二十里

青浦縣引鹽自所運至住地五十里

崑山縣引鹽自所運至住地一百八十里

新陽縣引鹽自所運至住地一百八十里

常熟縣引鹽自所運至住地二百五十里  
昭文縣引鹽自所運至住地二百五十里  
太倉州引鹽自所運至住地一百八十里  
鎮洋縣引鹽自所運至住地一百八十里  
嘉定縣引鹽自所運至住地一百六十里  
寶山縣引鹽自所運至住地二百二十里

巡鹽關隘

商鹽過掣開運各地方所有經過關津例須盤驗  
鹽引相符然後放行以杜影射夾帶諸弊至各地

私鹽出沒處所設立營兵縣捕陸有巡役水有巡船以杜侵界越銷諸弊蓋鹽在場則弊在私煎私賣各宜於場境稽察而專其責者場員鹽在所則弊在飛渡透漏各宜於所地稽察而專其責者所員鹽在往賣各地則弊在官鹽侵越私梟滋擾各宜於該地方堵禦而專其責者營汛及各地方官若夫因地置宜隨時變通難以例拘是在司其事者留意加察

盤驗各關

杭關盤驗杭所運往浙西之臨安武康德清三縣  
引鹽其應由蘇湖二府盤驗各州縣住賣引鹽  
先於杭關打用出關月日木印到府查驗出關  
日期方許過門其吳江震澤二縣不經蘇湖二  
關如係嘉掣之鹽止由嘉分司稽查如係杭掣  
之鹽止由杭關稽查

富陽關盤驗杭紹二所運往浙東金華蘭谿湯溪  
常山開化江山西安龍游建德淳安遂安分水  
於潛昌化壽昌新城富陽等縣引鹽



桐廬關盤驗杭紹二所運往浙東等縣引鹽與富陽關同惟新城富陽不入桐關止由富陽關盤驗

嚴州關盤驗杭紹二所運往浙東等縣引鹽與富陽關同惟分水於潛昌化壽昌不入嚴關止由桐廬富陽盤驗

蘇州關盤驗杭嘉二所運往長洲元和吳縣宜興荆溪溧陽武進陽湖金壇丹陽丹徒江陰無錫金匱建平等縣引鹽查驗杭州出關月日方許

過門其嘉所商鹽不經杭關者止由蘇關盤驗  
湖州關盤驗杭嘉二所運往烏程歸安長興廣德  
安吉孝豐等州縣引鹽查驗杭州出關月日方  
許過門其嘉所商鹽不經杭關者止由湖關盤  
驗

諸暨盤驗紹所諸暨義烏浦江三縣引鹽其餘浙  
東縣分紹所商鹽不經諸暨盤驗者悉照杭所  
之例由富桐嚴三關分別盤驗

青田盤驗溫所行銷處屬之麗水青田縉雲松陽

遂昌龍泉慶元雲和宣平景寧等縣引鹽其溫  
屬各縣不經青田盤驗者各就近委該縣盤驗  
仙居盤驗台所運往永康武義縉雲東陽各縣引  
鹽其地近場竈者各就近委該縣盤驗

各場要隘

仁和場團竈附近省會各團隘口均設引店就團  
稽查並派廳縣場役在團偵緝凡肩引老販鹽  
出團至隘口商人於引尾查明註日逐擔秤盤  
蓋戳放行

許村場如馬牧港瞿家街等處爲官私總匯要區  
海石二縣肩鹽俱從此經由而城東陳墳港地  
方尤屬私梟出沒之所向設巡廳差捕并海鹽  
石門桐鄉鹽捕在於水陸要隘絡繹巡查

錢清場於新開河西小港諸支港皆設有營汛盤  
詰若由他道卽爲私鹽

三江場要隘如童家團環山陸路南通菱西南墨  
子湖巡司嶺等處北附海塘水道惟馬鞏寺一  
帶寶盆團南陸路地名雙橋上通梅墅北卽附

團之堰橋下接陡疊下方橋等鎮水程有蝦鬚  
港南通梅壘汛西近錢清湖門東通村落陳顧  
新鳳二團水陸兼達上通紹興府城下抵三江  
大閘東聯原野西限長河四團聚處均設有紹  
協兵丁暨山陰縣捕偵緝

東江場新安姚宋新寧稱浦四團接壤府城通聯  
鄉鎮咸屬要隘向設有山會二縣捕役并紹協  
營汛與場役分班偵緝場員仍不時稽查

曹娥場境內有曹江一帶不設關隘產鹽交商上

厥收貯於小金團內河設立橋柵晨啟晚閉責令竈總甲長看守巡察以杜偷漏

金山場從石堰路經由上虞縣過壩出口最爲要隘團竈場員督役巡緝協同營汛稽查

石堰場凡水道之橫河低仰峯嶺小里四堰及陸路之匡堰里埋馬鎮徐家塔歷山百梁橋周港大湖門數處最多私鹽出沒所設緝私隘口東有澣山所西有周巷臨山衛營汛并場役及餘姚縣捕往來盤詰

鳴鶴場東埠頭地方有慈谿縣捕役巡緝觀海衛  
地方有駐防兵丁巡守而亭戶刮淋煎煮領引  
肩販由長溪杜湖雁門鳳浦四嶺及桂施橋私  
鬻多從此影射稽緝尤宜加謹

清泉場水陸隘口水路則小港口東岡硤大關口  
等處陸路則王家洋竹山頭長山橋等處場員  
差役協同鎮海營汛及廳縣捕役稽查

龍頭場向設巡檢司以佐巡察

穿長場大礮算山三山等埔恆多私販瀕海鼓鑪

二山山海交錯最易偷漏其長場附近之朱塘  
丁西二團港汊叢雜亦屬出沒之所而育王嶺  
以南直達鄞縣偵緝者尤宜加意向設有提標  
左營官兵并鎮邑暨穿長兩巡檢及場役常川  
偵巡

大嵩場地方延袤遼遠散漫難稽向設有甬東巡  
司以緝私煮私販

玉泉場番頭二舍係船隻往來停泊處所易於售  
私向設有場役稽緝又有昌石營派撥目兵看



守

長亭場於亭頭汛及海游寨西塾等汛盤查以杜夾帶之弊第山路錯雜易滋梟販故向於經由要隘之淇門港連槎渡引頭門共設緝私巡船於寧海營撥發弁兵駕巡又寧海營撥發千總一員在通場團竈坦地查緝

黃巖場地東瞰大海北枕甌江私販者得以揚帆而至頻由路橋過羽山關直抵烏巖惟恃有以時稽緝之法而太邑六都之箸黃等處尤屬水

陸總匯又臨邑之南岳黃邑之雙橋泇頭王四  
甲應洋嶼羅下梁各地太邑之新場暨橫河新  
長蔡洋西王莫家浦各地沿海一帶縣亘百里  
近海居民瀝滷鍋煎售私礙引向責成長浦松  
門二巡檢帶同弓兵捕保常川巡邏

杜瀆場其地濱海負湖去海僅十里多私販出入  
凡前所港東路及巖居大田諸處俱屬要隘向  
設有台協弁兵巡守及臨海縣捕偵緝

長林場緝私之處西鄉八團係樂清磐石營汛兵

丁防守東鄉二團係樂清營蒲歧所等處兵丁  
防守兼之樂清縣捕并場員督役往來巡緝

雙穗場內地陸路官道水路官河俱一綫相穿並  
無要隘至迤南瀕海山連大嶼江控飛雲私販  
乘潮瞬息四達若梅頭霧前三港半浦諸處尤  
爲險要向設有平陽協兵丁守竈巡緝又有瑞  
安縣捕及場役稽查

永嘉場太保亭元帥廟鄭澳嶺白水嶺市前街五  
處係陸路私鹽總徑錢王橋張家橋新橋南橫

橋北橫橋五橋并橫河二十六橋係水路私鹽要隘向設有營兵巡守又有永嘉縣捕役偵緝星羅碁布立法綦詳

西路場五六團交界陳家橋及港通四達之匯水橋地方係屬要隘而趙家橋泥橋廣福橋等處本屬下河一水橫截於場境之後尤關緊要向有袁花鎮杭協汛兵及該場巡役海寧州鹽捕赭山司弓兵周流偵緝

黃灣場陸路隘口有場役及海寧州巡捕躡緝水

港出沒則有長安鎮千總帶兵遊巡

鮑郎場要隘如譚仙嶺下有關門嘴寨前團北有  
悟空寺又澈浦城北至井亭子又近東顧家團  
小徑又東寨團北路又北團大洋橋六路至宋  
亭一帶及接壤之秦駐塢等處俱係山僻荒徑  
通達河港水陸錯雜向設場役弁兵嚴行堵禦  
又場鹽運至榆城有巡鹽官遣役就榆城盤驗  
海沙場地方遼闊團舍衆多陸路沿塘一帶水路  
海鹽榆城東達平湖直趨金山等處及西塘東

塘二橋并惹山等處均爲要隘向設立撫標長  
安營官兵暨場員督役與海鹽縣鹽捕常川偵  
巡

蘆漚場橫浦分界之裴家街張家埭地方多聚私  
梟而金絲孃橋爲必經之地向設嘉協營兵汛  
守兼之場役縣捕及撫標千總帶兵偵巡

橫浦場陸路之裴家街水路之白涇河係蘆橫二  
場交界私煎私賣最爲緊要向設有營汛駐劄  
防守及縣役鹽捕并場員統率場役巡查

浦東場爲私鹽出沒之所北由六里庵張堰東從  
蔣家橋李家堰江家堰等處乃四通八達之區  
最爲水陸要隘向設有金山營提標巡弁及華  
亭縣兵丁役捕率同場役分布偵巡

袁浦場葉謝塘地方居民稠雜商賈輻輳南通柘  
林西通張澤東抵金匯塘橫涇沙港祝港直接  
沿海場竈而滌缺西灣二處支港紛雜歧途四  
出尤爲要隘向設有提標巡船捕役又設立巡  
役團保領辦水手在於場境不時往來巡守

青村場沿塘內外金家店三角巷吳家衙醃水缺  
各處要隘場員督令場役晝夜巡緝又陸家頭  
二三橋梁家店何家橋水陸要路等處係奉賢  
縣捕役青村營目兵巡緝

下砂頭場每團設有水手一名稽查陸路要隘東  
沙黃家窪茶亭路等處并塘西之水路雜港俱  
遴場役偵緝又有南匯縣捕役暨營汛弁兵梭  
織查拏

下砂二三場所所有偵巡鹽捕久奉裁汰凡遇私鹽



飭令縣營拏獲

崇明場境內各沙場竈處所汛防林立其六激七激八激蝦撇激最爲要隘額設哨船及弓兵捕役於水陸各隘口巡緝

各所要隘

杭所引鹽由場陸續運所停泊四處地方遼闊自候掣以及掣後上棧爲日經久多有不肖船戶挖包偷竊向設巡役晝夜稽查

紹所於所橋前設立欄柵商船編號過柵候掣又

於義新兩壩堆貯官鹽處所各派巡役凡商鹽運壩稽查船戶等偷竊諸弊

嘉所掣廳前臨運河三面有橋其東之常豐北之虹涇大奚家等橋俱排釘木柵商船到後封柵掣畢然後開柵第水鄉支港紛歧四出鹽船慮多偷挖添灌之弊向委本所官帶同分差工腳不時巡緝

松所向於小斜涇大張涇等橋下排釘木柵以絕飛渡後以西壩旣毀其小斜涇原設柵處另通

河路難以稽察復於二里涇西口添立西柵放生橋下添立東柵以嚴偵緝今商鹽已改進西浦仍畱西柵委所官稽察而黃浦西南一帶多各場透漏嚴飭場役以及營汛弁兵常川偵巡

〔各地要隘〕

浙省私鹽出沒之所獨海寧海鹽平湖桐鄉爲最且係嘉湖二府販私門戶而海寧之長安鎮乃其往來適中孔道專委千總一員在鎮設營堵截私販

杭州府仁和錢塘二縣設有塘棲臨平江干等汛  
巡兵查察私鹽并堵截私煎

又杭府屬之臨安縣毘連肩票最多侵越兼之  
山路叢雜更易藏奸欲得私靖官銷全藉防範  
周密

嘉興府嘉興秀水二縣地屬水鄉港汊紛歧緝私  
匪易向設有長安千總嘉協營弁及兩縣鹽捕  
在於水陸要隘梭織遊巡

湖州府烏程歸安二縣界連場竈接壤肩票各地

支港叢雜其白雲橋及上河下港各處均宜加  
意堵緝

又湖府屬孝豐縣地方接近錢塘餘杭肩引課  
輕價賤之區最易越界侵擾私梟出沒多在餘  
杭之黃湖鎮錢塘之瓶窑橫入孝邑於餘杭之  
瓶橋關王嶺石門村瓜村黃湖十五梯等處假  
道向於孝餘交界之幽嶺設卡募捕會同營汛  
及縣捕常川駐守幽嶺地方曠野路徑叢雜難  
以巡緝惟黃湖鎮乃餘杭之門戶而餘杭乃孝

豐之門戶所宜設隘實力稽查

杭嘉湖三府接壤江南之境設有提標營弁兵丁各備巡船分派於私梟出沒處遊巡嚴緝

寧波府定海縣之舟山各山澳除岱山秀山長塗三澳餘鹽歸提標收買外其內港十五澳附近城邑餘鹽歸定海縣收買責成寧波府不時稽察歲底會同定海鎮總兵盤查結報其內洋之二十二澳離城較遠所有餘鹽歸定海營收買責成定海鎮總兵不時稽察歲底會同寧波府

盤查結報舟山曠衍五百餘里統計三十七澳  
瀕臨大海易於偷渡凡各山澳宜加意稽查

紹興府之諸暨及金華府之義烏浦江二縣界連  
紹屬之山會蕭各邑場竈出產肩票輕課之地  
私鹽充斥向撥紹協五汛一駐防及諸義浦三  
縣鹽捕紹通判鹽捕又水陸商捕巡役在於三  
鎮總隘之楓橋等八處及西路向天嶺等六處  
東路大嶺八字橋等八處分布各隘周密巡緝  
金華府金華縣地方東界東陽義烏南界武義永

康西界湯溪龍游北界浦江蘭谿等處上江客  
載船隻多有私鹽夾帶每由諸暨義烏地方連  
及金華侵擾引地更兼鄰境輕課減免之義烏  
浦江及行銷台鹽帑地之東陽永康武義各邑  
以至輕課引鹽恣意越銷尤宜實力堵緝

又金華府屬之湯溪縣建治山谷界乎四縣之  
中其地分爲四鄉金遂二鄉阻山惟蘭龍二鄉  
近水鹽船僅及水次而四鄉相距遠者百數十  
里東有酤坊南有銀嶺西有白杜北有花園越



界之鹽多集於此金遂二鄉之民欲買引鹽憚於涉遠以食越界鹽爲便此私鹽之所以得售引鹽之所以滯銷也欲得疏通當以設法靖私爲要

衢州府常山江山開化三縣商鹽運地例由蘭谿女埠解包分簍多有灌包夾帶及船戶挖包偷竊等弊向設立巡役查對引目檢點擔數蓋戳給票然後以小船裝運各地行銷

嚴州府桐廬縣地方僻處山陬濱臨江潯界連場

竈私鹽充斥東接紹屬之義新兩壩西鄰杭屬  
之富陽一邑非仁錢肩票越界侵欺卽徽郡鹽  
艘停泊偷漏徽郡鹽必由桐廬經過船戶偷漏  
皆在桐鎮私售實屬私梟淵藪要害之地所宜  
於水陸隘口設巡嚴查

又嚴府屬之淳安縣本額少商微之地水路適  
當徽遂之衝徽遂鹽船路由淳河爲日長久船  
戶偷竊私售淳邑受害獨深向於淳安之茶園  
及歙縣之街口等處設有水陸各隘往來巡察

溫州府地接閩界閩省漁船多越界私售向例閩船自配浙鹽不許照外多帶仍於照內填明止許本船醃浸不許登岸售賣及轉賣別船字樣飭汛稽查

又溫府鹽有漁蜚二市每年春汛漁戶買足鹽包鎮府驗單填簿發照一面移營飭汛按報仍選差率同旗長督配期畢歸埠船照弔銷以便下水一例驗配至蜚市在秋間各處商店銷鹽尚屬零星惟永嘉場之黃石浦龍灣狀元橋爲

建廠醃蜚總匯臨時各商於黃石浦龍灣兩處  
開設公店而狀元橋亦有住賣商鹽例委佐貳  
并選差會同營汛稽督期畢撤回

又溫府屬玉環地方孤懸海外所產鹽斤僅供  
一隅之用向例將煎鹽各戶取具親鄰族保甘  
結一體編入保甲著令并竈聚煎官收官賣止  
在本山賣與漁戶居民毋許販賣出境

台州府之小圓山臺及桃渚墾埠前所泗林等汛  
地濱海洋私梟易集向設有千把總營弁往來

稽查

江蘇省蘇松常鎮四府屬縣爲浙引疏銷最巨之區而丹徒縣京口地方尤爲兩浙行鹽門戶界接淮場地當孔道爲七省咽喉進口商船絡繹不絕每藉糧艘官船夾帶淮私向於沿江開口地方建設按鹽廳專責常鎮道暨鎮防同知城守叅將督率兵役躬親巡綽分班盤查

蘇州府吳縣長洲元和三縣地方遼闊向設巡役在於逼近崑山新陽等地水陸隘口一帶分巡

松江府華婁奉賢金山四縣向以私梟充斥發帑收買餘鹽并設立千把總實力巡緝其太倉州崇明一縣亦派千把總一員在要口駐劄往來稽察以杜夾帶外運

又松府奉賢金山二縣爲松所八地門戶向於袁青蘆浦橫等場境并浦泖各隘口設立巡船捕役分駕遊巡

常州府屬之江陰縣對峙淮揚向設有弁兵出海巡緝

又常府屬之靖江縣逼近淮界向設兵役及松江提營委員帶兵在地巡緝

鎮江府京口守備向撥巡兵在該處韓橋朱張圩等處駐劄巡緝淮私

又鎮府屬丹徒丹陽二縣之埤城朱張圩等處向被淮私侵據嗣經定於該鎮設店行銷帑鹽其銷鹽之地丹徒在韓橋十都至太平港丹陽在埤城十七十八十九二十都兩縣總以離城三十里爲界

江西省之貴溪縣所轄應食浙鹽之界牌規頭二處官店與例食淮鹽之安仁縣接壤淮南以侵越彼界議欲移拆嗣經勘明中隔大河界址分明飭令淮南於安邑界內河岸亦設官店便民買食彼此堵截嚴督兵役添設卡房多備快船於各境內巡防商民兩便

廣信府之封禁山界連四省奸私最易窩頓向於要隘設卡分兵偵巡



欽定重修兩浙鹽法志卷一終